

12 JUL 2019

Promoting Free, Responsible and Accountable Media

RMC/ES/004107/2019

## ITANGAZO KU BANYAMAKURU

Rwanda Media Commission (RMC) ishingiye ku biteganywa n'Itegeko No. 03/2013 ryo kuwa 08/02/2013 rigenga Itangazamakuru mu Rwanda cyane cyane mu ngingo ya 3 yerekeye Uburenganzira bwo gukora umwuga w'itangazamakuru, igira iti "Umunyamakuru w'umunyarwanda, yaba ukora mu kigo cy'itangazamakuru cyemewe cyangwa uwigenga cyangwa uhagarariye igitangazamakuru cy'amahanga mu Rwanda, ahabwa uburenganzira n'Urwego rw'Abanyamakuru Bigenzura."

Iramenyesha abanyamakuru bose ko yatangaje ku rubuga rwayo ([www.rmc.org.rw](http://www.rmc.org.rw)) urutonde rw'abanyamakuru bahawe amakarita y'umwuga guhera mu mwaka wa 2014 ikaba isaba abanyamakuru kwihutira kureba urwo rutonde bakamenya niba amakarita yabo atararangiza igihe yahawe, cyaba cyararangije bakihutira gusaba kongererwa igihe (press card renewal) ndetse hagakosorwa ibyaba byarahindutse (ikigo ukorera n'ibindi) bitarenze ku wa Gatanu tariki 19 Nyakanga 2019.

Rwanda Media Commission iboneyeho n'umwanya wo kwibutsa no gushishikariza abanyamakuru n'ibigo by'itangazamakuru byemewe gukorera mu Rwanda ibi bikurikira:

1. Nta gitangazamakuru cyemerewe gukoresha umunyamakuru utagira ikanita y'umwuga w'itangazamakuru itangwa na RMC nk'uko biteganywa n'amategeko.
2. Abanyamakuru bose bitabira/bajya mu birori byahuje abantu benshi bagomba kuba bafite amakarita y'umwuga w'itangazamakuru atangwa na RMC kandi atarengeje igihe.
3. Abanyamakuru bose bakora ibiganiro by'imyidagaduro (showbiz) bagomba kuba bafite amakarita y'umwuga w'itangazamakuru atangwa na RMC.
4. Abanditsi bakuru b'ibitangazamakuru bikorera mu Rwanda barasabwa kwibuka kugenzura ibikubiye mu biganiro bitambutswa n'abanyamakuru babo.

**MUGISHA Emmanuel**  
**Umunyamabanga Nshingwabikorwa**

